

غلام رسول آزاد ہوری چلانا کر گئے۔۔

اک وڈے لکھاری، نگھے انسان پنجابیاں داماں ترہان تے محبتاں وٹن والے بہادر پنجابی پیارے پروفیسر غلام رسول آزاد ہوری بارہ دسمبر 2014ء جمعے دیہاڑے اپنے بہت سارے چاہن والیاں نوں دکھی کر کے چلانا کر گئے۔ پروفیسر آزاد ہوراں پنجابی لہرنوں اگے ودھاون لئی اس ویلے ایم اے پنجابی کیتا جدوں ایم پنجابی کرن دا مطلب تکلیفاں، بھکاں تے لمی لمی مخالفت تے لڑائی ہوندا سی۔ اوہناں ایہہ فیصلہ بڑا سوچ سمجھ کے اپنے مامے میاں سلیم جہانگیر ہوراں دی صلاح نال کیتا۔ آخر عمر تیکر ایس فیصلے تے سرچک کے قائم رہے۔ ایم اے پنجابی کرن توں بعد اوہ پنجابی دے پہلے استاد بن کے 1975ء وچ گورنمنٹ کالج ساہیوال آئے۔ جداوہناں نوں پنجابی مضمون شروع کرن لئی گل کیتی تے گورنمنٹ کالج ساہیوال وچ اک نویں بحث چھڑ گئی۔ اوس ویلے تیکر NSF تنظیم دے پڑھا کواں نوں پنجابی زبان تے ماں بولی دے مسئلے دی اہمیت دا سمجھ آپکی سی۔ ایس لئی NSF نے کھل کے پنجابی دی حمایت وچ پڑھا کواں وچ گل بات اگے ودھائی۔ کالج دے کجھ استاداں پنجابی دی مخالفت کیتی تے اینوں کافراں دی زبان آکھیا۔ غلام رسول آزاد ہوری ایس سارے معاملے توں جانوں سن ایس لئی پنجابی دی مخالفت گھٹ ہوندی گئی۔

1975ء وچ پروفیسر غلام رسول آزاد ہوراں گورنمنٹ کالج ساہیوال دے مجلہ ”ساہیوال“ دے پنجابی حصہ رکھن دی منگ کیتی۔ کالج دے پرنسپل نوں ایہہ منگ پوری کرنی پئی۔ تے اولیں ویلے وقاص بٹ نوں ساہیوال رسالے دا پہلا ایڈیٹر مٹھیا گیا۔

پروفیسر غلام رسول آزاد ہوراں اپنی نوکری دی آخری دیہاڑیاں وچ گورنمنٹ کالج شیخوپورہ پرنسپل سن۔ اج پروفیسر آزاد ساڈے وچ موجود نہیں پر اوہناں دے لائے ہوئے بوٹے اج وی عبدالرزاق شاہد، قسور مبارک بٹ تے ہور کئی ناواں نال اپنیاں وکھو وکھ موہ لین والیاں خوشبوواں رہیں پنجاب دی دھرتی نوں مہکار ہے نیں۔